

տիրոս Հալէպցի, Կեսարացի Այսնի որդի մահ-տեսի Կարապետ» (Դիւ. Լիվոնոյի Հայոց Եկեղ.):

Յովակիմի կենաց անորոշ գծերն ու վերջը յաջողեցաւ ինձ ի Մոսկուա գտնել: 1833ին ռուսերէն եռաճատոր գիրք մը տպուած է (Собрание актов), որուն Ա. Մասին մէջ (էջ 355) 28 Նոյ. 1709 (տ. «Կռունկ», 1863, էջ 285) կը յիշատակուի, թէ Յովակիմ անուամբ հայ Արքեպս. մը Աղեքսանդր Նորընտիր Կաթողիկոսին կողմանէ օրհնութիւնարեր կոնդակով եւ միւռնով ռուսական Հայաստան եկած է, եւ 1709 Նոյ.ին Մոսկուա կը գտնուէր: Իսկոյն դիմեցի աւելի ընդարձակ տեղեկութեանց համար վաղամեռ Պրոֆ. Գ. Խալաթեանի, որ հակառակ ժամանակ չունենալուն՝ աչքէ անցուց Յովակիմ Արքեպիսկոպոսի անուան տակ պահուած գրուածներու ստուար եւ խառնակ ծրարը, եւ քաղեց անկէ այլեւայլ տեղեկութիւններ, ըստ իմ խնդրանացս՝ թողլով ծրարին ուսումնասիրութիւնն ապագայ երիտասարդ գրագէտներու:

Այս ծանօթութիւններուն համեմատ, զորոնք ամբողջ յառաջ կը բերեմ Խալաթեանի ձեռագրին վրայէն, Յովակիմ Արքեպ. 1709ին, Մոսկուա եկած է Աղեքսանդրի կոնդակով եւ միւռնով, եւ որչափ կ'երեւայ այն տեղերու Հայոց Առաջնորդ անուանուած էր: Մոսկուայէն 1710 Սեպտ. 11ին Ամսդերտամ կու գայ, տեղւոյն Տէր Յովհաննէս Առաջնորդէն մնացած